



TOSHKENT DAVLAT YURIDIK UNIVERSITETI REKTORINING
BUYRUG' I

2020-yil «18» noyabr

02-193-son

**Тошкент давлат юридик университетида ўқув жараёнини
босқичма-босқич анъанавий тарзда ташкил этиш
чора-тадбирлари тўғрисида**

Ўзбекистон Республикасига коронавируснинг кириб келиши ва тарқалишини олдини олиш юзасидан чора-тадбирлар дастурини тайёрлаш бўйича Республика махсус комиссия йиғилишининг 2020 йил 12 ноябрдаги 53-сон баёни ижросини таъминлаш ҳамда Тошкент давлат юридик университетида (кейинги ўринларда – университет) санитария-эпидемиологик осойишталикни таъминлаган ҳолда ўқув жараёнини босқичма-босқич анъанавий шаклда ташкил этиш мақсадида

Б У Ю Р А М А Н:

1. Ўзбекистон Республикасига коронавируснинг кириб келиши ва тарқалишини олдини олиш юзасидан чора-тадбирлар дастурини тайёрлаш бўйича Республика махсус комиссияси йиғилишининг 2020 йил 12 ноябрдаги 53-сон баёни (кейинги ўринларда – баён) маълумот ва ижро учун қабул қилинсин.

2. Баён билан 2020 йил 16 ноябрдан республика олий таълим муассасаларида ўқув жараёнини босқичма-босқич анъанавий шаклда бошлашга рухсат берилганлиги инобатга олинсин.

3. Университетда анъанавий шаклда ўқув жараёнларини бошлаш учун қуйидаги зарур чора-тадбирлар кўрилсин:

Соғлиқни сақлаш бирлашмаси, Санитария-эпидемиологик осойишталик ва жамоат саломатлиги хизмати вакиллари жалб қилинган ҳолда тезкор штаб ташкил этилсин;

аудитория ва хоналар ўқув жараёнига Санитария-эпидемиологик осойишталик ва жамоат саломатлиги хизмати ҳудудий бўлинмалари билан биргаликда тайёрлансин;

курслар кесимида ўқув жараёнини ташкил этиш схемаси ишлаб чиқилиб, табақалаштирилган вақт соатлари асосида дарс жадваллари тузилсин;

талабалар турар жойлари фаолияти санитария-гигиена ва дезинфекция талабларига қатъий жавоб берадиган нормаларда ташкил этилиб, жиҳозланган ҳолатда талабаларнинг яшашларига босқичма-босқич рухсат берилсин;

университет ва талабалар турар жойларида тиббиёт пунктлари ташкил этилсин ва талабалар саломатлиги назоратини таъминлаш мақсадида университетга баёнга асосан бириктирилган Юнусобод туман тиббиёт бирлашмаси вакиллари билан зарурат бўлганда тезкорлик билан тиббий ёрдам кўрсатиш ишлари ташкил этилсин.

4. Университетда пандемия шароитида санитария-эпидемиологик осойишталикни таъминлаш барча ходимларнинг биринчи галдаги вазифаси эканлиги белгилансин.

5. Қуйидагилар тезкор штабнинг (А.Хашимхонов, И.Рустамбеков, А.Иминов) асосий вазифалари этиб белгилансин:

университетда даврий равишда талабалар тана ҳароратини ўлчаб бориш ишларини амалга ошириш;

ўткир респиратор инфекцияси касаллиги белгилари аниқланган ходим ва талабаларни ҳамда тана ҳарорати 37°C ва ундан юқори бўлган ёки инфекция аломатлари мавжуд бўлган ходимлар ва талабаларни ишга ва дарс машғулотларига қўймаслик;

таълим жараёнида профессор-ўқитувчилар томонидан талабалар ва ўқувчиларни соғлиги устидан кунлик кузатувларни олиб бориш, ўткир респиратор инфекция касаллиги белгилари аниқланган талабалар ва бошқаларни тиббий пунктга (“қизил зона”) олиб бориш чораларини кўриш;

талабаларнинг шахсий гигиена қоидаларига амал қилиши устидан кунлик назорат қилиш учун масъулларни ажратиш;

университет ва Талабалар турар жойи биноларининг барча хоналарида ҳар куни дезинфекция (0,5%ли хлорли эритма билан) қилиш тадбирларини ўрнатилган тартибда амалга оширилишини таъминлаш;

танаффус ва бошқа вақтларда барча хоналарни шамоллатиш чоралари кўрилишини таъминлаш;

шахсий гигиена қоидаларига риоя қилиш учун шароитлар яратиш (оқар сувлар, қўл ювгич, хўжалик совуни);

ходим ва талабаларга қўлларини кунига бир неча маротаба совунлаб ювишини талаб этиш;

умумий фойдаланиш хоналарида доимий тозалик ишларини олиб боришни назоратга олиш.

6. Молия-иқтисод масалалари бўйича проректор вазифасини бажарувчи А.Иминов:

3 кун муддатда университет ва талабалар турар жойларини пирометр, дозатор ва антисептик воситалари билан таъминлаш чораларини кўрсин;

Юнусобод ва Олмазор туман тиббиёт бирлашмалари билан биргаликда университетда ва талабалар турар жойида “Тиббиёт пункти”ни ва касалликка чалинган талабаларни изоляция қилиш учун “Қизил зона” – изолятор ташкил этиш чораларини кўрсин.

7. Ишчи гуруҳга ўз фаолиятини самарали амалга ошириши учун заруратга кўра барча таркибий бўлинма раҳбарлари кўмак бериши зарурлиги белгилаб қўйилсин.

8. Маънавият ва маърифат маркази (Ш. Пўлотов), Кадрлар бўлими (А.Матмуратов) ҳамда факультет деканлари мазкур буйруқ мазмун-моҳиятини ходим ва талабалар орасида кенг тарғиб қилсин.

9. Ушбу буйруқ ижросини назорат қилишни ўз зиммамда қолдираман.

Ректор



Р. Ҳакимов

Лойиҳа киритилди:
Маънавият ва маърифат
маркази директори

Ш. Пўлотов

Келишилди:
Проректор

А. Хашимхонов

Проректор

И. Рустамбеков

Проректор в.б

А. Иминов

Катта юрисконсулт

Э.Хосилов